

Murrizketarik EZ!

Ordezkapenak egiteko Hezkuntza Sailaren irizpideak

Hitzarmenean jasotako ordezkapenatarako murrizketak areagotu egiten ditu Jaurlaritzak

Pasa den ikasturte bukaeran, hitzarmen berriaren negoziazioa zela eta, gogor kritikatu genituen ordezkapenetan Hezkuntza Sailak egin nahi zituen murrizketak. Gogoratu beharrean gaude, hasiera batean, kasu guztietan astebete pasa bitartean ordezkapenik ez egiteko proposamena luzatu zutela. Sindikatu batzuen egin genuen presioak eraginda atzera pausoren bat eman zuten arren, langileentzat oso akordio txarra itxi zuten CC.OO eta UGTek babestuta. Horren ondorioa da, ia kasu guztietan, ordezkapenak aurrez egiten ziren baino egun bat beranduago egingo direla, Bigarren Hezkuntzan ordezkapena astebete pasa arte egingo ez delarik eta Lehen Hezkuntzan astebeteko mugan.

Ordezkapenei dagokionez, hitzarmena bera oso eskasa izanik ere, Hezkuntza Sailak orain publiko egin dituen irizpide hauei jarraipen zuzena egin beharko diegu, izan ere, ikasturte hasiera tamalgarri izan baitugu eta irizpide murriztaile hauek beraiek ere apenas bete diren.

Hau gutxi balitz, eta berriki salatu dugun Funtzio Publikoko zuzendaritzatik atera duten instrukzioari jarraiki, bereziki salagarria gertatzen da berritzeguneetako ordezkapenak ez betetzeko erabakia hartu dutela, ikastordurik ez duten jangela arduradunen hutsak hilabetetik gorakoak izatea aurreikusten bada bakarrik beteko dituztela eta eskolaz kanpoko ekintzetarako hiru hilabete baina gehiagoko hutsunea aurreikusten bada soilik. Benetan tamalgarria!

Noraino iritsi nahi dute Eskola Publikoari baliabideak kendu eta murrizketak aplikatzerakoan? Zein izango da hurrengo eraso?

Gure artean hitz egin, informazioa banatu, kontrastatu, antolatu eta aurre egiteko prestatzen hasi beharrean gaude.

Bide hau jarraitzen badute, aurrean izango gaituzte!

2010-2012 Hitzarmeneko 20.- artikulua. Ordezkapenei erantzutea.

- **Lehen egunetik PTEko ikasgela itxietako bajak eta liberazio sindikalen ondoriozkoak ordezkatuko dira.**
 - **Haur Hezkuntzako bajak eta norberaren gauzetarako baimenak jakinarazi eta hurrengo egunean ordezkatuko dira.**
 - **Hirugarren egunetik Lehen Hezkuntzan Ingelesari eta Euskarari dagozkion bajak.**
 - **Laugarren egunetik Lehen Hezkuntzako gainerako ordezkapenak.**
 - **Bosgarren egunetik Bigarren Hezkuntza, Lanbide Heziketa, Hizkuntza Eskola Ofizial, Kontserbatorio, Arte-eskola eta HHEko ikastetxeetakoak.**
-
- *Se sustituirán desde el primer día las bajas de Aulas cerradas de PTE, así como las derivadas de liberaciones sindicales.*
 - *Al día siguiente de la notificación se sustituirán las bajas de Educación Infantil, y permisos por asuntos propios.*
 - *A partir del tercer día las bajas correspondientes a Inglés y Euskara en Educación Primaria.*
 - *A partir del cuarto día el resto de sustituciones de Educación Primaria.*
 - *A partir del quinto día las de Educación Secundaria, Formación Profesional Escuelas Oficiales de Idiomas, Conservatorios, Escuela de Artes y centros de EPA.*

Ordezkapenak egiteko Hezkuntza Sailaren irizpide orokorrak:

Egunak kontatzeko irizpide modura, egun naturalak hartuko dira kontuan, salbu kontratua gauzatzen den eguna jai-eguna edo eskolarik gabeko eguna denean; kasu horretan, ordezkapena lehenengo eskola-egunean betetzen dela ulertuko da.

Baja terminoa edozein hutsegite moduan ulertu beharko da, lizentzia eta baimen guztien ondoriozkoak ere bajatzat joko dira.

Aldi bateko ezintasunen kasuan, ezintasunaren hasiera-eguntzat joko da baja-partean ezintasunaren hasiera-egun moduan jasotzen dena.

1.- PTEko gela itxietako eta liberazio sindikaletako bajak ordezkatzeari.

PTEko gela itxitzat joko dira berariazko curriculumak duten ikasleak dituztenak, hau da, PTE irakasleaz gela itxietara zuzendutako ikasleak dituztenak, berdin izanik PTE lanpostua berezia den ala ez.

PTEko gela itxietako eta ordezkari sindikalen bajen kasuan, **bajaren lehen egunean bertan ordezkatuko dira, berdin izanik zerk eragin duen baja**, salbu egun hori jai-eguna bada; halakoetan, irizpide orokorretan ezarritako printzipio orokorra aplikatuko zaio ordezkapenari.

2.- Haur Hezkuntzako bajak ordezkatzeari

Gertaera eragilea izan eta hurrengo egunean beteko dira Haur Hezkuntzako bajak edo hutsegiteak, salbu egun hori jai-eguna denean; halakoetan, irizpide orokorretan ezarritako printzipio orokorra aplikatuko da. (Adibidez: Ez da ordezkatzeko Haur Hezkuntzako azterketa-egunik. Aldi baterako ezintasuna, berriz, ezintasuna hasi eta hurrengo egunean beteko da.

3.- Norberaren gauzetarako baimenak ordezkatzeari.

Norberaren gauzetarako baja edo hutsegiteen kasuan, **jakinarazi eta hurrengo egunean** ordezkatzeko dira, salbu egun hori jai-eguna denean; halakoetan, irizpide orokorretan ezarritako printzipio orokorra aplikatuko da. Beraz, huts egindako lehen eguna ez da beteko. (Kontuan izan zer proposatu den gela itxiak ordezkatzeko, ordezkapenak lehen egunean betetzen baitira).

Horrek esan nahi du norberaren gauzetarako egunak egun bakarrekoak direnean, ez direla ordezkatzeko, aurreko paragrafoan jasotako salbuespenean izan ezik.

Hutsegitea astebete baino lehenago jakinaraziz gero, lehenengo egunetik bertatik ordezkatzeko da.

4.- Euskara eta ingeleseko ordezkapenak Lehen Hezkuntzan.

Lehen Hezkuntzan ingeles- eta/edo euskara-plazetan bajarik edo hutsegiterik badago, baja edo hutsegitea izan eta hirugarren egunetik aurrera ordezkatzeko dira.

Adibide modura, baja (hutsegitea) 2010eko irailaren 6an gertatzeko balitz, irailaren 9an ordezkatu beharko litzateke. Baja-prozesua irailaren 7an gertatzeko balitz, irailaren 10ean ordezkatu beharko da. Baja-prozesua irailaren 8an gertatzeko balitz, 13an kontratatuko litzateke. Baja-prozesua irailaren 9an gertatzeko balitz, 13an ere gauzatuko litzateke kontratazioa.

5.- Haur Hezkuntzako gainerako ordezkapenak.

Gainerako kasuetan, Lehen Hezkuntzan, baja edo hutsegitea gertatu eta laugarren egunetik ordezkatzeko dira, salbu egun hori jai-eguna denean; halakoetan, irizpide orokorretan ezarritako printzipio orokorra aplikatuko da.

6.- Bigarren Hezkuntza, Lanbide Heziketa, Hizkuntza Eskola Ofizialak, Kontserbatorioak, Arte eskolak eta HHE ikastetxeak.

Bigarren Hezkuntzako ordezkapenak, zirkular honetan jasotako salbuespenekin, **bosgarren egunetik aurrera** gauzatuko dira, baja edo hutsunea izan eta biharamunetik aurrera; salbu jai-eguna denean; halakoetan, irizpide orokorretan ezarritako irizpide orokorra aplikatuko da.

HHE ikastetxeetan, plaza guztietako ordezkapenak beteko dira, betetzen dituzten lagunak eta horien kidegoa gorabehera.

7.- Egoera bereziak edo ezohikoak.

- Deialdian ezarritakoaren arabera ordezkatuko dira GARATUK programatutako jardueren bidez edo beste deialdi batzuen bidez deitutako **prestakuntza**-jarduerak. Bestelako prestakuntza-jardueren kasuan, kasuan kasurako Langileak Kudeatzeko zuzendariak zehazten dituen irizpideak beteko dira.
- Lanaldi osoko plaza baten titularrak **lanaldia murrizteko** eskatzen duenean, ordezkapena **lehenengo egunetik** bertatik beteko da, beti ere egoera astebete lehenago jakinarazita badago, gutxienez.
- Ordezko laguna lanaldi murriztua betetzen ari bada eta titularra aldi bateko ezintasun egoerara pasatzen bada, ordezkoaren izendapena aldatzeko baimena emango da, 20. artikuluan ezarritako epeei lotu gabe, **beti ere gela berean jarduteko eta irakasle hori bera ordezkatzeko**.
- **Hainbat baja edo hutsegite lotzen direnean** (esaterako, ALE ostean ezkontzaren ondoriozko lizentzia), pertsona berak egin ahal izango ditu ondoz ondoko ordezkapenak, 20. artikuluan ezarritako epeei lotu barik.
- Ordezkgaiak dagoeneko ordezkapen bat eginda duenean eta **10 eskola-egun igaro baino lehenago berriro irakasle bera ordezkatu behar izanez gero**, ordezkapen hori pertsona berari eskaini ahal izango zaio, 20. artikuluan ezarritako epeei lotu gabe.
- **Eskolaz kanpoko ekintzak** ordezkatzeari. Hutsegiteak bete egingo dira hiru hilabetetik goragokoak izatea aurreikusten bada; halakoetan, dagokion hezkuntza-mailari dagozkio, irizpideak aplikatuko dira.
- Irakastordurik ez duten **jantoki-arduradunak** ordezkatzeari. Hutsegiteak bete egingo dira hiru hilabetetik goragokoak izatea aurreikusten bada; halakoetan, dagokion hezkuntza-mailari dagozkio irizpideak aplikatuko dira. Irakastorduren bat eman behar duten jantoki-arduradunei dagokien mailako irizpide orokorrak aplikatuko zaizkie.
- **Berritzeguneetako** ordezkapenak. Irizpide orokorra da ez ordezkatzeari, salbu Langileak Kudeatzeko zuzendariak baimena ematen duenean.
- **Barnetegietako** ordezkapenak. Premien arabera ordezkatuko dira.
- **Ordaindu gabeko baimenak** ordezkatzeari. Norberaren gauzetarako baimenekin aplikatutako irizpide berak aplikatuko dira.
- **Haurdunaldi, amatasun, aitatasun, adopzio edo harreraren** ondoriozko lizentziak ordezkatzeari. Hutsegitea astebete baino lehenago jakinaraziz gero, lehenengo egunetik bertatik ordezkatuko da.

Beranduago jakinaraziz gero, baja edo hutsegitea izan eta hurrengo egunetik beteko da, hau da, ez da lehenengo eguna beteko.